



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კოჯორი



კოჯორის ციხე

კოჯორი, დაბა ქ. თბილისის ადმინისტრაციულ საზღვრებში (მთაწმინდის რ-ნი). 2007-მდე შედიოდა გარდაბნის მუნიციპალიტეტში. მდებარეობს თრიალეთის ქედის განშტოებაზე. ზ. დ. 1350 მ. 1232 მცხ. (2014) (იხ. სტ. [თბილისის კურორტების ჯგუფი](#)).

კ-ის ტერიტორიაზე შემორჩენილია შვერილაფსიდიანი ერთნაზიანი ეკლესია, მის სამხრ-ით კი აღმორჩენილია შეისრულკამარიანი ნაგებობა. დაბის სამხრ-ით, აბეულის მთის ქიმზე, დგას ქართ. ხუროთმოძღვრების ძეგლი კოჯორის ციხესიმაგრე (აგარანი, აბეულის ციხე). შემორჩენილია გალავნისა და მის (სამხრ.-დას. და ჩრდ.-აღმ.) ბოლოებში აღმართული ორი მრგვალი კოშკის ნანგრევები. ციხესიმაგრე ნაგებია ნატეხი ქვითა და აგურით. იგი მრავალჯერ არის შეკეთებული და განახლებული. მისი უძველესი ფენა არაუგვიანეს XI ს. II ნახ. მიეკუთვნება, ხოლო დღემდე მოღწეული ნაგებობები და კედლის ფრაგმენტები XVI-XVIII სს-ით თარიღდება.

ლიტ.: ბ ე რ ძ ე ნ ი შ ვ ი ლ ი ნ., საქართველოს ისტორიის საკითხები, წგ. 1, თბ., 1964; ქართლის ცხოვრება ს. ყაუხჩიშვილის გამოც., ტ. 4, თბ., 1973; P., T., Окрестности Тбилиси, Тб., 1960.

ვ. დოლიძე

გ. უშვერიძე
